



mjesečni Bilten

omladinska mreža bosne i hercegovine

decembar
prosinac
2017.

223

Dragi prijatelji/ce,

Predstavljamo vam decembarsko izdanje mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine, koja za sada broji **183** organizacije i **115** pojedinaca iz **75** mjesta BiH.

Bilten trenutno izlazi na bosanskom-srpskom-hrvatskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

www.omladina-bih.net



SADRŽAJ

Aktivnosti u decembru 2017.....	2
Planovi za januar 2018.	8
Aktivnosti članova mreže	9
Saopštenja/informacije/donatori/pozivi.....	24

Uživajte u čitanju!

AKTIVNOSTI ORC/HCA U DECEMBRU 2017.

„Mladi za bolju budućnost“

U sklopu projekta „Mladi za bolju budućnost“ u Tuzli je 28 i 29. Decembra održan trening za trenere. Na treningu su učestvovali članovi Omladinske grupe Omladinskog resursnog centra, a trener je bio Jasmin Jašarević. Planirano je da članovi koji su prošli obuku budu edukatori na radionicama planiranim u projektu „Mladi za bolju budućnost“. Trening za trenere u Tuzli finansijski je podržao grad Tuzla.



Krajem januara 2018 godine, kako je predviđeno u projektu, mladi (srednjoškolci i studenti) iz svakog od 4 grada proći će trodnevne radionice sa našim vršnjačkim edukatorima na temu ljudskih prava, fokusirajući se na stereotipe, predrasude, govor mržnje, identitet, religiju, nasilje itd. Da bismo radionice učinili još korisnijim, uključićemo u njih i naše vršnjake sa smetnjama u razvoju.

„Divided past – Joint future“



Omladinski Resursni Centar Tuzla je, zajedno sa još sedamnaest nevladinih organizacija iz regije, partner u projektu „Podijeljena prošlost – zajednička budućnost“. Projekat podržava Evropska Unija, a glavni nosilac aktivnosti je Omladinski Komunikativni Centar Banja Luka. Svrha

ovog projekta je izgradnja infrastrukture za efektivan proces pomirenja na Zapadnom Balkanu i Turskoj.

Omladinski komunikativni centar iz Banja Luke je, u saradnji sa organizacijom „Lens“ iz Prištine organizovao trodnevnu edukaciju za facilitatore država Zapadnog Balkana i Turske u sklopu projekta „Divided past - Joint future“.

Edukacija pod nazivom „Društvene inovacije u doba mira i pomirenja“ je realizovana od 20. do 23. decembra u Prištini. Edukaciji je prisustvovalo 14 edukatora iz gore navedenih država, koji su imali priliku učiti od eminentnih stručnjaka iz ovog polja o Inovativnim metodama u radu na pomirenju u svojim državama.



Predstavnici Bosne i Hercegovine su bili Ivan Sajević - Udruga mladih Enter Vitez i Slobodan Blagovčanin - Omladinski resursni centar Tuzla.

Ovaj tekst je napisan kao dio projekta Divided Past – Joint Future, te u sebi ne sadrži, niti predstavlja mišljenja ni stajališta Evropske Unije, njenih institucija i tijela. Odgovornost za informacije i poglede iznešene u tekstu snosi u potpunosti sam autor teksta.



Anna Lindh Fondacija Bosanskohercegovačka mreža

Godišnji sastanak ALF Tallinn, Estonija

U Talinu (Tallinn), Estonija je u periodu od 12. do 15. decembra održan 16. godišnji sastanak šefova mreža Anna Lindh Fondacije. Sastanak je okupio oko 42 predstavnika ALF mreža iz zemalja Evrope i Mediterana. Oni su, zajedno sa predstavnicima sekretarijata ALF, te predsjednika Fondacije, gospođe Elisabeth Guigou, tokom sastanka razgovarali o završetku koraka 7 (Step 7) ALF, te o jačanju i nastavku saradnje u okviru nastavka aktivnosti ALF u 2018. godini. Više informacija o sastanku u narednom periodu očekujte na našim stranicama.



Omladinska grupa ORC Tuzla

CEO Konferencija

U Tuzli je 30. novembra 2017. godine održana CEO konferencija. Konferencija je održana u Bosanskom kulturnom centru Tuzla i okupila je preko 350 mladih osoba.



CEO konferencija je događaj koji povezuje mlade sa uspješnim ljudima, koji ih pozitivnim primjerima motivišu na proaktivan pristup preduzetništvu i razvoju karijere razbijanjem mitova o uspjehu i usvajanjem novih znanja i vještina. Misija CEO konferencije je okupljati mlade i najuspješnije pojedince iz Bosne i Hercegovine, Srbije, Hrvatske i Crne Gore, koji dijele svoja životna i poslovna iskustva, uspone i padove, ideje i znanje u kontekstu različitih disciplina: razvoja karijere, preduzetništva, tehnologije i motivacije.

Organizatori CEO konferencije Tuzla su Ekonomski fakultet Univerziteta u Sarajevu, u saradnji sa Ekonomskim fakultetom Univerziteta u Tuzli, uz suorganizatore Sberbank BH i Sol Azur & Buenavista, uz podršku Vlade Švicarske kroz Projekat zapošljavanja mladih (YEP).

Predstavnici Omladinskog resursnog centra Tuzla su bili Amila Selimbašić, Mirela Biković, Merita Sokoli, Amina Džananović i Emir Karamujić.

Brčko – Youth Workers Countering the Violent Extremism

U Brčkom je 2 i 3 decembra održan trening na temu „Youth Workers Countering the Violent Extremism“.

Youth Workers Countering the Violent Extremism ima za cilj osnažiti i podržati postojeće vještine i sposobnosti omladinskih radnika i dati im nove alate, kako bi primjetili, djelovali i izvještavali o radikalnom ponašanju mladih ljudi u digitalnom i stvarnom svijetu. "Klasični" pristup omladinskog rada je rad sa grupama mladih ljudi koji dolaze u bilo koju organizovanu aktivnost koja koristi neformalno obrazovanje kao metod. Da bi promijenili ovaj pristup i doprli do mladih ljudi koji su u opasnosti od radikalnih ideologija koje mogu dovesti do ponašanja nasilnog ekstremizma, omladinski radnici trebaju promijeniti pristup i stvoriti nove alate i koristiti nove metode. U sklopu ovog projekta je održan napredni trening za 30 omladinskih radnika na teme: Suočavanje sa sukobima i nasilnim ponašanjem, Rad s pojedincima – savjetodavne vještine, Rad sa mladima na terenu i "Digitalni rad s mladima".



Treneri na treningu „Youth Workers Countering the Violent Extremism“ bili su Miralem Tursinović i Jasmin Jašarević, dok su učešće u samom treningu uzeli i članovi Omladinske grupe Omladinskog resursnog centra, Slobodan Blagovčanin, Mirela Biković, Merita Sokoli, Amina Džafić, Adi Selman, Emir Karamujić i Amila Selimbašić.

Prijem novih članova u grupu



U periodu od 22.11. – 3.12.2017. u našu grupu prijavilo se 47 mladih, koji su izrazili želju da budu dio naše „porodice“. Selekciju prijave za prijem novih članova u Omladinsku grupu vršile su koordinatorka grupe Amila Selimbašić i stara članica grupe Mirela Biković. Selekcija je vršena na osnovu kvalitete same prijave, motivacije, te dosadašnjeg iskustva u nevladinom sektoru prijavljenih.

Od 47 prijavljenih kriterije je zadovoljilo njih 21, pa smo ih pozvali na prvi zvanični sastanak koji se održao 5.12. u 18h u našim prostorijama. Na sastanku se novim članovima predstavila koordinatorka OG ORC-a Amila Selimbašić, te Slobodan Blagovčanin, koji je prezentovao dosadašnji rad grupe, i odradio svojevrsan team building. Sat vremena poslije su se sastanku priključili i stari članovi. Budući da je 5.12. Svjetski dan volontera, odlučili smo da taj dan održimo prvi sastanak sa našim novim članovima.



Tools for Social Development – Volume II

U periodu od 1. do 8. decembra 2017. Godine, u Vrnjačkoj Banji (Srbija) održan je seminar pod nazivom „Tools for Social Development-Volume II“, koji je bio baziran na pozorišnim metodologijama i tehnikama savremenog plesa. Seminar je okupio ukupno dvadeset osam osoba iz Portugala, Španije, Francuske, Grčke, Rumunije, Makedonije, Bosne i Hercegovine, Albanije, Crne Gore i Srbije.



Tim predavača organizacije „Ljudima od ljudi“ ovim projektom obezbijedio je profesionalno usavršavanje omladinskim radnicima na polju sticanja praktičnog iskustva u korištenju pozorišnih metodologija i tehnika savremenog plesa pogodnim u radu sa inkluzivnim grupama. U okviru seminara, u lokalnom bioskopu održana je jedinstvena pozorišna predstava, kao završnica projekta. Sama predstava je izvedena kao prezentacija kreativnog procesa i rada nastalog tokom osmodnevnog seminara. Projekat je direktno uključio osobe sa invaliditetom i imao je za cilj promociju mobilnosti, pružanje jednakih mogućnosti mladima, kao i prilike za lični razvoj i aktivan život u oblasti umjetnosti i kulture. Predstavnik Omladinske grupe Omladinskog resursnog centra Tuzla na ovom seminaru bila je Elma Sulejmanagić.

TranslatEU - Beograd

U Beogradu je od 9. Do 11. decembra održan internacionalni trening TranslatEU, na kojem su učešće uzeli mladi iz Srbije, Bosne i Hercegovine, Slovenije, Makedonije.



Trening je imao za cilj da upozna mlade o mogućnostima koje nudi Evropska unija, te na koji način će moći da iskoriste sve te mogućnosti i prije ulaska njihovih zemalja u Evropsku porodicu. Pored treninga mladi su imali priliku da upoznaju i ljepote Beograda, te poslušaju prezentaciju o Opštini Vračar (jedna od Beogradskih općina).

Organizator treninga je UG Libero, a projekat je podržala Evropska unija preko svojih fondova za mlade.

Predstavnici Omladinske grupe ORC Tuzla su bili Adi Selman i Adnan Čirak

Pisanje projektnih prijedloga

Na fakultetu elektrotehnike u Tuzli je 15. i 16. Decembra održana radionica na temu "Pisanje projektnih prijedloga" pod organizacijom IEEE Student Branch-a Univerziteta u Tuzli. Na radionici su učestvovali studenti sa različitih tehničkih fakulteta u Tuzli. Prvi dan radionice profesor Edhem Čustović je svojim predavanjem radio na motivaciji učesnika i dao primjere studentskih projekata koji bi se mogli sprovesti u Tuzli. Drugi dan radionice vodio je predsjednik IEEE Student Branch-a,



Haris Selmanović, koji se potrudio da svoje iskustvo pisanja projektnih prijedloga podijeli sa učesnicima. Oformljene su ekipe i raspravljalo se o konkretnim projektnim prijedlozima i njihovoj realizaciji. Studenti su radili timski, nudili rješenja drugim ekipama, kako bi se svaka od ovih ideja realizovala nakon ove radionice. Pridružio nam se i profesor Čustović koji je saslušao svaki od prijedloga, dao savjet, preporuku, svoje viđenje ideja učesnicima radionice. Na radionici su učestvovali i članovi Omladinske grupe Omladinskog resursnog centra Eldin Subašić i Emir Mujakić.

„Jedan slatkiš – jedno dijete“



Srednja škola „28. Juni“ iz Istočnog Sarajeva, u saradnji sa Omladinskom grupom Omladinskog resursnog centra Tuzla je, u okviru akcije „Jedan slatkiš – jedno dijete“ tradicionalno podijelila paketiće šticienicima Doma za djecu bez roditeljskog staranja u Tuzli.

Pored paketića koje su pripremili za naše najmlađe iz Doma bez roditeljskog staranja, priredili su im i predstavu pod nazivom „U potrazi za Djeda mrazom“ kao i zabavu uz gitaru i pjevanje.

Učenici škole iz Istočnog Sarajeva poželjeli su da svu ljepotu novogodišnjih praznika podijele sa šticienicima Doma, jer, kažu "nikada nismo bili svjesniji potrebe darivanja i dijeljenja ljubavi kao za vrijeme praznika".

Finansije za prevoz učenika srednje škole iz Istočnog Sarajeva su obezbijedili članovi Omladinske grupe Omladinskog resursnog centra Tuzla od svoga džeparca.

Predstavu je izvelo 8 učenika iz Srednje škole 28. Jun Istočno Sarajevo, a paketiće su podijelili učenici sa članovima Omladinske grupe Omladinskog resursnog centra. Dodjela paketića je obavljena 26.12.2017. godine.



T.A.L.K.S.



U utorak, 26.12.2017. godine u dvorani Kina Kaleidoskop u Tuzli održana je konferencija na kojoj su mladi lideri iz čitave Bosne i Hercegovine držali kratke, ali efikasne motivacione govore koji su trajali do deset minuta. Konferencija je dio projekta pod nazivom T.A.L.K.S., koji je podržan od Ambasade Sjedinjenih Američkih Država u Bosni i Hercegovini.

T.A.L.K.S projekat se sastoji od pet konferencija koje će se održati u Tuzli, Bijeljini, Sarajevu, Mostaru i Banja Luci, da se mladim liderima pruži prilika da na jedinstven način prenesu motivacione poruke svojim vršnjacima, a koje se tiču tema kao što su: EU intergracija, samozapošljavanje, ljudska prava,

antikorupcija. Konferencija u Tuzli je bila druga po redu nakon one održane u Bijeljini 25.12.2017. godine. U kinu Kaleidoskop između ostalih među govornicima su bili i članovi Omladinskog resursnog centra Adi Selman, i Adnan Čirak, koji su govorili na temu EU intergracija i samozapošljavanja.

Proslava Nove godine

U petak, 29.12.2017. je tradicionalno već petu godinu zaredom u prostorijama Omladinskog resursnog centra Tuzla upriličena novogodišnja žurka za članove Omladinske grupe ORC Tuzla. Tokom večeri, članovima i partnerima u prethodnoj godini, podijeljene su zahvalnice i certifikati kao potvrda zalaganja tokom cijele godine, za bolji položaj mladih u našem gradu i državi. Ovo je ujedno bila i prilika da se obilježi 5 godina rada Omladinske grupe Omladinskog resursnog centra Tuzla.



U toku mjeseca januara, planirana je pauza za članove Omladinske grupe, koji vam ovom prilikom žele sve najbolje u 2018. GODINI!



REDOVNE AKTIVNOSTI ORC I HCA TUZLA

Tokom decembra radili smo na održavanju i razvoju komunikacija i koordinacije unutar Omladinske mreže Bosne i Hercegovine (www.omladina-bih.net). U okviru toga smo svakodnevno na mejling listu mreže (posta@omladina-bih.net), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH. Vršili smo korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH. Isto tako, naš projektni tim nastavio je sa apliciranjima za projekte za narednu godinu.

PLANOVI HCA/ORC-A ZA JANUAR 2018.

- Sprovođenje redovnih aktivnosti kroz Omladinsku mrežu Bosne i Hercegovine;
- Pripreme i start partnerskog projekta sa PRONI Brčko i holandskom organizacijom „Pax for peace“ – „Mladi u borbi protiv nasilja i ekstremizma“. Projekat je podržan od holandske Ambasade u Sarajevu, u okviru programa MATRA.
- U okviru projekta „YOUth 4 better future“ (Mladi za bolju budućnost), u planu nam je održavanje radionica u Brčkom, Vitezu, Doboju i Tuzli
- Pripreme za početak medijske kampanje u okviru projekta „Divided past – joint future“ podržanog od strane Evropske Unije

AKTIVNOSTI ČLANICA OMLADINSKE MREŽE BiH



OO CENTAR – Mrkonjić Grad

Ul. Svetoga Save 1, 70260 Mrkonjić Grad

Tel./fax: +387 50 214 075

Mob. +387 65 710 833

E-mail: centar.mrkonjic@gmail.com

Web: www.oocentar.org

Izjava o misiji:

OO «Centar» Mrkonjić Grad omogućava stvaranje boljih uslova za život mladih kroz rad, druženje i animiranje mladih za učestvovanje u javnom životu putem:

- javnog zagovaranja,
- psiho-socijalnih i obrazovnih programa.

Nagrade

– Ministarstvo za porodicu, omladinu i sport nam je dodjelo Plaketu za volonterski doprinos Republici Srpskoj u 2012. godini.

– Omladinska banka nam je dodjela Zlatnu plaketu za doprinos i podršku u realizaciji projekata neformalnih grupa mladih u Mrkonjić Gradu

Zahvalnice smo dobili od: Gradskog pozorišta u Mrkonjić Gradu, Planinarsko-ekološkog društva “Vidik”, Koalicije “Pod lupom”, UG Plave Sfere, KUD “Petar Kočić”, Udruženja gljivara i ljubitelja prirode, Eko pokreta “Zelenkovac”, UG “Ideja”, Škola fudbala “Montevideo”, Svetosavske omladinske zajednice, CESVI, CARE, OSCE, UMCOR, OIA BiH (Munja), Omladinskog savjeta Republike Srpske, Instituta Perpetuum mobile...

20 godina Omladinskog Centra



Prije dvadeset godina, 19. decembra 1997. godine, u razorenom Mrkonjić Gradu nastala je Omladinska organizacija “Centar” M. Grad.

Borislav Đurić, izvršni direktor ove organizacije rekao je da nije slučajno to što u nazivu Organizacije ponosno stoji Mrkonjić Grad, jer baš iz te ljubavi prema gradu iznikla je ideja o “Centru”, jer je u ljudima koji su započeli tu priču postojala vjera u bolje danas i još bolje sutra.

“Upravo zato ne smijemo zaboraviti te ljude sa vizijom koji su se borili za našu budućnost. Među tim vizionarima, rijetkom sortom ljudi, posebno

moram pomenuti upokojenog Stevana Stojičića, profesora, ali prije svega humanistu, koji se hrabro suočavao sa problemima. Dok je on težio da u svakom smislu obnovi život u gradu, otvarajući ga prema svijetu, nije zaboravljao na mlade. Čak šta više, kao čovjeku takvog kalibra, mladi su mu bili prioritet, pa

je našao način da zajedno sa njima obnovi Omladinski dom i tako je počela sa radom Omladinska organizacija 'Centar' Mrkonjić Grad", rekao je Đurić.

Dodao je da su iz tog istog Omladinskog doma, nakon smrti profesora Stojičića i promjene opštinske politike, sramno iseljeni, a sam Dom je nakon nekoliko godina prodan, "pošto su pojedini ljudi, valjda tokom rata, naučili da trguju onim što nam je najvrednije".



"Prve aktivnosti 'Centra' su se odnosile na pomirenje, te promociju Mrkonjić Grada kao prvog otvorenog grada u Bosni i Hercegovini, što je dalo doprinos u pronalaženju sredstava za obnovu grada i duhovni preporod. Jedan od prioriteta bio je da se mladima ponudi alternativa i da se krene ka izgradnji društva koje ne bi počivalo na napumpanim razlikama koje su iskorištene za rat, nego na isticanju sličnosti koje narode koji ovdje žive neraskidivo povezuju, uprkos slici koja se stvara u javnosti, a koja je, pogotovo tih poratnih godina, bila veoma isticana", objašnjava Đurić.

Ističe da je "Centar" u svojim 19 godina postojanja realizovao desetine projekata od opšteg društvenog interesa, pri čemu je neizmerno ponosan na volontere koji su svojim djelovanjem i entuzijazmom iznijeli sve zadatke i ostavili neizbrisiv pečat u našoj zajednici.



"Od tih projekata posebno izdvajamo izgradnju i opremanje dijela Doma kulture. Kroz aktivnosti koje organizujemo u Domu kulture godišnje prođe na stotine mladih. Izdvajamo i projekat: „Doprinos jačanju organizacija civilnog društva u unapređenju položaja ljudi koji boluju od rijetkih bolesti u BiH", koji je finansiran od strane Evropske unije. Osnivači smo Omladinske mreže Bosne i Hercegovine, Omladinskog savjeta Republike Srpske, mreže

"Volontiram", mreže Omladinskih centara Republike Srpske i Koalicije organizacija u zdravstvu Bosne i Hercegovine, kroz koje aktivno učestvujemo u kreiranju javnih politika.

Kroz naš rad dajemo značajan doprinos u rješavanju bitnih društvenih pitanja, što našu organizaciju čini prepoznatljivom u cijeloj državi, ali što je najbitnije, doprinosi našoj viziji: mladi su postali bitan faktor u kreiranju kulturnog i javnog života zajednice.

Na kraju želi da se u ime Organizacije i u svoje lično ime zahvali svima koji su na bilo koji način učestvovali u razvojnem putu "Centra"

Institut za
razvoj mladih KULT



Ul. 4. Viteške brigade
34 – 36 BA, 71210 Ilidža,
Sarajevo
Tel: +387 33 778 778.
Fax: +387 33 778 79
E-mail: kult@mladi.org,
web: www.mladi.org

U novu godinu sa Strategijom za mlade KS

Strategija za mlade Kantona Sarajevo krajem decembra upućena je Vladi KS. Izrada dokumenta koji se bavi problemima mladih, a istovremeno nudi i rješenja za probleme koje su mladi postavili kao prioritetne, počela je u aprilu ove godine.

Izradi finalne verzije nacrtu prethodilo je organizovanje Dijaloga s mladima, događaja koji je otvorio dijalog između relevantnih institucija i organizacija u sedam različitih tematskih područja:

- Rad, zapošljavanje i preduzetništvo mladih,
- Obrazovanje i nauka mladih,
- Socijalna briga mladih,
- Zdravstvena zaštita mladih,
- Kultura i sport,
- Aktivizam (učesće, volontiranje i mobilnost) mladih,
- Sigurnost mladih.



Podaci, preporuke i mišljenja prikupljena tokom događaja, Ministarstvo za obrazovanje, nauku i mlade Kantona Sarajevo koristilo je pri izradi nacrtu Strategije prema mladima Kantona Sarajevo.

Strategija za Kanton Sarajevo radi se po prvi put, a dokument je nastao na osnovu Analize o potrebama i problemima mladih, čiji su rezultati

predstavljani u januaru ove godine.

Proces izrade Strategije prema mladima koordinira Ministarstvo za obrazovanje, nauku i mlade Kantona Sarajevo. Institut za razvoj mladih KULT je stručno-savjetodavna podrška Ministarstvu za obrazovanje, nauku i mlade Kantona Sarajevo za pružanje podrške u procesu izrade Strategije prema mladima Kantona Sarajevo.

Certifikati i potvrde za treću generaciju stručnih saradnika/ca za rad sa mladima

Polaznicima/ama Obuke za stručne saradnike/ce za rad s mladima, nakon završene obuke i testiranja, u Sarajevu su 11.12.2017. godine uručeni sertifikati i potvrde. Zvanje stručnog saradnika/ce za rad sa mladima dobilo je novih trinaest osoba iz dvanaest različitih lokalnih zajednica iz Bosne i Hercegovine.

Riječ je o trećoj generaciji stručnih saradnika/ca za rad s mladima. Za sve polaznike organizovano je polaganje ispita, a najboljim su uručeni i sertifikati.

Stručni saradnici/e za rad s mladima, ili popularnije omladinski radnici/ce, su osobe koje pružaju osmišljenu i planiranu podršku mladima u procesu razvoja i osamostaljivanja na način da im pomažu u društvenom i ličnom razvoju kako bi postali aktivni članovi/ce zajednice. Na inicijativu Instituta za razvoj

mladih KULT zanimanje stručnog saradnika/ce za rad s mladima uvršteno je u klasifikaciju zanimanja Agencije za statistiku Bosne i Hercegovine.



Tokom obuke polaznici/ce su imali priliku učiti i dijeliti svoja iskustva u područjima organizacijskih vještina, socijalnih kompetencija za rad s mladima, vještinama javnog zagovaranja, modelima i tipovima omladinskog rada u Bosni i Hercegovini i šire, uključivanju mladih u procese donošenja odluka, te legislativi za rad s mladima i u području volontiranja.

Miloš Blagojević, polaznik obuke iz Banja Luke, nije krio svoje zadovoljstvo govoreći kako je obuku shvatio vrlo ozbiljno, te da sve naučeno planira koristiti u svom radu s

mladima u svojoj zajednici, ali i kao sekretar Omladinskog savjeta Republike Srpske. Istako je kako ga neformalno obrazovanje ohrabruje da bude bolji lider mladima sa kojima radi, ali i motivira kao roditelja.

Ovo je treća generacija stručnih saradnika/ca za rad s mladima sa kojima Institut radi u cilju što većeg broja kvalitetnih i aktivnih profesionalaca u omladinskom radu u Bosni i Hercegovini. Cilj nam je podržati ljude koji direktno rade s mladima u omladinskim organizacijama i organizacijama koje se bave mladima, ali i u drugim organizacijama i institucijama kako bi na taj način unaprijedili i položaj mladih u svim dijelovima BiH.

I odrasli uče

U decembru je održan je i drugi modul obuke „Uči, misli i djeluj!“ za odrasle. Polaznici obuke imali su priliku primijeniti mnogobrojne strategije i metode koje potiču razvoj kritičkog promišljanja i rješavanja problema.

Uči, misli i djeluj! za odrasle je obuka neformalnog obrazovanja namijenjena odraslima koji u formalnom obrazovanju direktno rade s djecom i mladima. Ovaj program obuke nastao je kao odgovor na potrebu za pružanjem podrške nastavnom osoblju srednjih škola u razvoju kompetencija potrebnih za uspješno planiranje i realizaciju procesa učenja i podučavanja zasnovanog na principima iskustvenog učenja, korištenje učinkovite i relevantne metode i strategije podučavanja, te stvaranja sigurnog i stimulativnog okruženja u kojem će se učenici/e osjećati podržano i motivirano, a ujedno biti osposobljeni da uče cijelog života.

Institut, sa svojim partnerima, organizuje obuku u trajanju od sedam dana (56 sati). Obukom Institut želi podržati osobe koje rade s mladima i unaprijediti njihove vještine i znanja za razvoj omladinskog rada i mladih u BiH. Pored obuke, učesnici/e će imati i praktični rad u svojoj zajednici.

Kroz ovaj modul polaznici i polaznice uče kako različite tehnike mogu koristiti u nastavi kako bi potakli mlade da lakše razumiju sadržaj u skladu sa kontekstom, ali i da steknu osjećaj odgovornosti za učenjem ali stjecanjem novih vještina i znanja.

Modul se bavi temama kako postavljati dobra pitanja, šta je to kooperativno učenje i podučavanje, koja je odgovornost prema vršnjacima u procesu učenja.

Polaznici kroz vježbe rade i na razvoju metoda i strategija za razvoj viših razina mišljenja, te kako unaprijediti komunikaciju sa učenicima i roditeljima.





Udruženje za društvena istraživanja i komunikacije – UDIK

Ul. Grbavička 51, 71000 Sarajevo

Tel./fax: +387 33 978 600; +387 33 978 605

E-mail: official.udik@outlook.com; official.udik.brcko@outlook.com

Web: www.udik.org; www.udik-brcko.org

UDIK: Promocija historijskog priručnika



Udruženje za društvena istraživanja i komunikacije (UDIK) realizovalo je projekat čiji je cilj bio doprinijeti izgradnji kulture sjećanja stanovništva u BiH na ratna dešavanja devedesetih i prevenciji neplanske i masovne izgradnje spomenika kroz edukaciju o spomenicima žrtvama rata koji su nastali u tom vremenskom periodu i nakon njega. Stručnjaci koji su bili angažovani na projektu radili su na pripremi odgovarajućeg priručnika koji obuhvata oblasti iz istorije, tranzicione pravde i spomeničke kulture, a koji je

korišten tokom radionica sa predavačima historije/istorije/povijesti. Cilj radionica bio je proći seriju od četiri predavanja i obučiti predavače da znanje stečeno na radionicama primjene u radu sa svojim učenicima.

Kao završna aktivnost projekta održana je promocija priručnika pod nazivom Od Jugoslavije do Dejtona – Spomenici i kultura sjećanja kroz uticaj društveno – političkih sistema. Promocija je organizovana 9. decembra u Sarajevu u povodu Dana ljudskih prava. Na priručniku su radili Amra Čusto, Kantonalni zavod za zaštitu kulturno – historijskog i prirodnog naslijeđa Sarajevo, Amir Duranović i Edin Radušić, Filozofski fakultet Univerziteta u Sarajevu, Edvin Kanka Ćudić, UDIK Sarajevo i Nerzuk Ćurak, Fakultet političkih nauka Univerziteta u Sarajevu. Osim u biblioteci UDIK-a, priručnik je dostupan u brojnim bibliotekama u BiH, regionu, te u mnogim evropskim i američkim univerzitetskim bibliotekama.





Asocijacija srednjoškolaca u Bosni i Hercegovini

Ul. Mula Mustafe Bašeskije 7, 71000 Sarajevo

Tel/fax: +387 33 205 850

E-mail: asubih@yahoo.com

Web: www.asubih.ba

Posljednji mjesec ove godine u Asocijaciji srednjoškolaca bio je ispunjen raznim aktivnostima.

„Inovation Expo“



Preko 60 srednjoškolaca, iz preko 60 lokalnih zajednica, 1.12.2017. je učestvovalo na sajmu inovacija IEEE (Inovation Expo) Sybc kongresa održanom na International Burch University u Sarajevu. Srednjoškolci su imali priliku upoznati se sa inovativnim projektima iz oblasti inženjeringa, IT sektora i drugih naučnih oblasti, i u razgovoru sa svjetskim renomiranim naučnicima i profesorima upoznati se sa potencijalnim budućim smjerovima u nastavku obrazovanja.

„Pokloni svoj dan onome kome si potreban“

Već na samom početku mjeseca, tradicionalno smo obilježili 5.12.- Međunarodni dan volontera. U grupnim aktivnostima učestvalo je 57 lokalnih timova Asocijacije srednjoškolaca u Bosni i Hercegovini. Članovi lokalnih timova su volontirali u javnim ustanovama, preduzećima, nevladnim organizacijama, i na taj način dali svoj doprinos u obilježavanju ovog značajnog datuma.



Ovogodišnji 5.12. imao je slogan: „Pokloni dan onome, kome si potreban.“

U 60 lokalnih zajednica ukupno 300 članova je volontiralo za Međunarodni dan volontera, 5.12. Srednjoškolci su se rado odazvali pozivu da volontiraju i pruže svoje vrijeme i pomoć onima kojima je to potrebno. Želimo se zahvaliti svim članovima koji su bili dio ovog obilježavanja i ponovo dokazali spremnost i želju da doprinesu svojim lokalnim zajednicama.

Također se zahvaljujemo svim poslodavcima koji su prihvatili naš poziv i pomogli nam da zajedničkim snagama obilježimo ovaj jako značajan dan.

„Endless friends“

Članovi lokalnih timova Foča i Istočno Sarajevo su organizovali razmjenu pod nazivom: „Endless friends“, na home stay principu u trajanju 22.12.-23.12.

Razmjena je trajala 2 dana i učestvovalo je 10 članova iz Istočnog Sarajeva i 3 člana iz Foče.

Ideja o razmjeni razvila se s ciljem poboljšanja odnosa između članova u lokalnim timovima i podrške novoosnovanom timu u Foči.

Razmjena je počela 22.12. kada su se članovi LT Foča smjestili kod članova LT Istočno Sarajevo. Taj dan su proveli zajedno u kancelariji AsuBiH-a upoznavajući se i družeći. Drugi dan razmjene, 23.12., srednjoškolci su zajedno sa facilitatorom Amaram Kundalićem vrijedno radili na istraživanju koje provodi Asocijacija srednjoškolaca u Bosni i Hercegovini pod nazivom: "Istraživanju o kvaliteti praktične nastave", i radionicu na temu team building-a. Ovi srednjoškolci su, također, uvidjeli potrebu da prikupe sredstva i omoguće socijalno ugroženoj djeci dodjelu paketića. Dodjela paketića je oduševila sve prisutne, a i sami roditelji te djece su izrazili svoju duboku zahvalnost.



Već 2.01.2018. nastavljaju svoju razmjenu. Tog dana će članovi LT Istočno Sarajevo posjetiti Foču i nastaviti svoje aktivnosti u sklopu razmjene. Očekujemo da se članovi oba tima još više aktivirati i motivirati, sa željom da svojim radom u lokalnim zajednicama narednu godinu učine najboljom do sada!

Istraživanje o kvaliteti praktične nastave



Istraživanje koje smo pokrenuli ove godine privodimo kraju. Do kraja godine je planirano da se završe svi sastanci u svim gradovima, da bismo početkom godine objavili rezultate Istraživanja. Za narednu godinu imamo jedan veliki projekat da najavimo! Do sada smo imali „Friends without borders 1“ i „Friends without borders 2“. Krajem ove godine pripremali smo pažljivo treći dio ovog projekta! Treći dio je drugačiji

od prva dva, iz razloga što smo sada stavili akcenat na gradove koji posjeduju fenomen „Dvije škole pod jednim krovom.“

Već sa početkom godine počinjemo sa pripremnim sastancima, a već u februaru počinjemo sa press konferencijom i prvim razmjenama.



www.pronibrcko.ba

PRONI Centar za omladinski razvoj
 Ul. Mehmedagića 24, 76100 Brčko distrikt BiH
 Tel./Fax: +387 49 217 695
 E-mail: pronibrcko@teol.net
www.pronibrcko.ba

„TRANSLATE EU“ u Beogradu sa PRONI Centrom

U periodu od 9-11.12.2017 godine PRONI Centar za omladinski razvoj, u saradnji sa udruženjem „Libero“ iz Beograda okupio je oko 300 mladih na trodnevni događaj u Beogradu na kojem su učestvovali mladi ljudi iz Skoplja, Ljubljane, Brčkog i Beograda sa ciljem približavanja procesa EU integracija mladima i građanima.

Radionice su bile namijenjene mladima uzrasta od 18 do 30 godina. Svi troškovi putovanja, smještaja i hrane tokom događaja su bili pokriveni od strane organizatora, a sve u okviru EU programa „Europa za građane i građanke“.



Dolaskom učesnika u hostel „Šuplja stena“ domaćini događaja su organizovali otvaranje i Interkulturalno veče gdje se kroz druženje i degustaciju tradicionalnih jela i pića upoznavalo sa ostalim učesnicima i kulturama njihove zemlje.

Nakon konferencije, učesnici su prisustvovali na radionicama za koje su se prethodno opredijelili. Radionice su bile na teme koje su bitne za zemlje koje su u procesu EU integracija, kao što su: Mobilnost, preduzetništvo, socijalna politika, kultura, obrazovanje, prava građana, ljudska prava, pametni gradovi, nauka istraživanje, decentralizacija i mnoge druge.

Radionice su se održavale na bosansko/srpskom i engleskom jeziku. Zadaće radionice „Prevedi EU“ jesu dovesti na jedno mjesto mlade ljude iz različitih zajednica i kultura, da udruženi, koristeći svoje kreativno i inovativno razmišljanje, objasne EU politike svojim građanima. Jedna od zadataka jeste i stvoriti interaktivni sadržaj koji će lokalne samouprave moći koristiti za veće uključivanje građana u razvijanje evropskog građanstva, politika i vrijednosti, te omogućiti da s njima razgovaraju na učinkovitiji način o euroskepticizmu i zajedničkoj budućnosti Europe kao i opremiti lokalne zajednice metodama i idejama za preuzimanje njihove uloge u komunikaciji prednosti od EU integracija ka građanima.

Nakon radionica, održan je sastanak predstavnika lokalnih samouprava i partnerskih organizacija, na kome je već pomenuti Srđan Blažić potpisao pismo namjere s predstavnicima beogradske Opštine Vračar, Grada Ljubljane i skopljske Opštine Butel s ciljem razvoja opština, osnaživanja odnosa između građana u lokalnim zajednicama, povećanja njihove participacije i stvaranja otvorenih, tolerantnih i inkluzivnih društava.

Učesnici su pored radionica i ostalih aktivnosti imali i svoje slobodno vrijeme za upoznavanje Beograda, kao i večernje druženje u „Srpskoj kući piva“.

Trećeg dana smo svi zajedno sumirali utiske sa mladima i sa partnerima promovisali događaj. Utisci učesnika su pozitivni, te su izrazili želju za učešćem i na narednoj radionici „Prevedi EU“ koja će se održati naredne godine.

Takođe, postoji i mogućnost da u skorije vrijeme Brčko distrikt bude domaćin iste ovakve priče.

Re:Generacija – „Ovo je zemlja za nas“ i besplatni zagrljaji

U okviru projekta [re:Generacija](#), mladi Ambasadori pomirenja su u Sanskom Mostu su na gradskim ulicama dijelili besplatne zagrljaje i to po imenima različitih etničkih skupina.

Takav projekt napravljen je da bi se ustanovilo **da li i u kojoj mjeri građani imaju predrasude i da li su spremni prihvatiti zagrljaj od pripadnika bilo koje etničke grupe.**

Takođe su obišli katoličku crkvu, pravoslavnu crkvu i džamiju u Sanskom Mostu gdje su prisustvovali misi, liturgiji i namazu.

Projekat Američke agencije za međunarodni razvoj (USAID) simboličnog naziva re:Generacija, koji implementira Međunarodni republikanski institut u BiH i udruženje Magacin Kabare, ima za cilj educirati i motivirati mlade širom Bosne i Hercegovine da zagovaraju pomirenje i suživot svih naroda, naročito među mlađim generacijama.



Mladi ambasadori pomirenja iz deset bh. gradova od kojih je jedan Brčko distrikt i naš Ambasador pomirenja ispred našeg grada je Dejan Rađen, koji su u prvom dijelu projekta pokazali najviše afiniteta za osmišljavanje i provođenje društveno odgovornih aktivnosti, **dobili su zadatke da osmisle događaje kroz koje će utjecati na podizanje svijesti o pomirenju** u svojim sredinama, ali i izvan njih.

Osim ovog događaja u Sanskom Mostu, slična akcija upriličena je u petak u Prijedoru, gdje je oko 40 građana na glavnom trgu pjevalo čuveni hit grupe EKV "Ovo je zemlja za nas", dok će slične aktivnosti u narednom periodu biti organizirane i u drugim bh. gradovima.

Sve ovo organizira se u cilju **podizanja svijesti o suživotu, pomirenju i prijateljstvu među svim etničkim grupama u BiH**, a posebno među mladim generacijama, saopćili su organizatori.

PRONI Centar na konferenciji u Malti

Da bi se utvrdila i ilustrovala uloga omladinskog rada u prevenciji radikalizacije koja vodi ka nasilju, četiri resursna centra SALTO zajedno sa nacionalnim agencijama Erasmus + Youth in Action i Partnerskom Youth EU-CoE okupili su se za istraživanje fenomena i rad na strategiju podrške omladinskim radnicima u ovoj oblasti.

Dejan Rađen imao je priliku prezentovati naš projekat [Citizens Against Terrorism](#), kao i naš trenutni projekat [Counter.ba](#)

Istraživanje koje je rađeno na ovu temu možete pronaći na [ovom linku](#).

Provjerite sve fotografije sa konferencije "Youth Work Against Violent Radicalisation" na njihovoj [facebook stranici](#).



Konferencija je okupila preko 100 učesnika iz 20 zemalja Evrope od 27.11.-01.12.2017 godine u hotelu db San Antonio.

Konferencija je obuhvatila sljedeće ciljeve:

- 1) Istražiti koncept radikalizacije mladih, njegove oblike i manifestacije i kako omladinski rad može igrati ulogu u njenoj prevenciji,
- 2) Povećati razumijevanje učesnika o ulozi omladinskog rada u sprečavanju nasilne radikalizacije i podržavanju otpornosti i osnaživanja mladih,
- 3) Stvoriti prostor za razmjenu inspirativnih praksi među učesnicima i za identifikaciju prilagođavanja postojećih praksi,
- 4) Ojačati veze omladinskog rada sa srodnim poljima i sektorima gdje je saradnja korisna kako bi se postigao više na temu nasilne radikalizacije,
- 5) Istražiti mjere podrške Erasmus + Youth Chapter i druge programe za omladinske NVO koje rade na temi konferencije.

Ciljna grupa:

- 1) Praktičari aktivni na polju prevencije nasilne radikalizacije od:
 - NVO koje direktno rade na ovoj temi i rade na temama koje se odnose
 - Omladinski lideri
 - Omladinski radnici
 - Javne vlasti
 - Ostali sektori (škole, socijalni rad, rad u zajednici itd.)
- 2) Istraživači sa relevantnim iskustvom i ekspertizom
- 3) Kreatori politike sa relevantnim iskustvom i ekspertizom

Najava okruglog stola „Suočavanje sa problemom stigmatizacije i radikalizacije u BiH i regionu



U okviru projekta "Borba protiv stigmatizacije kroz osnaživanje i promjenu stavova / Empower for change of stigmatizing attitudes" održan je okrugli stol na temu "Suočavanje sa problemom stigmatizacije i radikalizacije u BiH i regionu".

Novi projekat za mlade – „Ispeci pa reci“

PRONI Centar za omladinski razvoj uz finansijsku pomoć SHL-a Sarajevo, realizuje projekat "Ispeci pa Reci". Projekat će okupiti 20 mladih od 15 do 30 godina, koji će se baviti govorom mržnje primjenjujući scenske umjetnosti. Projekat traje od 15.12.2017 do 30.06.2018.g.

Uz stručnu pomoć režiserke, 20 mladih iz Brčkog će kreirati pozorišnu predstavu koja će ukazati na izvore i prisutnost ovog problema, ali na kreativan način ponudit će i moguća rješenja. Pored glume učesnici će imati priliku da se okušaju u oblasti fotografije, PR-a, kostimografije i scenografije.

Pored premijere u Brčkom, učesnici će imati priliku da izvedu predstavu i u 4 mjesne zajednice Brčko distrikta BiH. Nakon svake predstave, bit će organizovan okrugli sto tokom kojeg će se protagonisti družiti sa publikom i biti u mogućnosti da razmjene mišljenja o problemu, učešću u projektu i procesu kreiranja predstave.

Link za prijavu je <https://goo.gl/forms/6lhEcxfkPlr27DRN2>

Rok za prijave traje do 15.01.2018.g.

Treninzi pisanja projekata ERASMUS + mladi Tuzla, Ugljevik, Brčko, Zenica

Tokom decembra održali smo dvodnevne treninge pisanja projekata za program Erasmus + mladi za zemlje zapadnog Balkana sa preko 100 predstavnika omladinskih organizacija i institucija koje se bave mladima iz Tuzle, Ugljevika, Brčkog i Zenice.

Projekat je podržan od strane Ministarstva civilnih poslova BiH zajedno sa PRONI Centrom kao [Contact Point BiH Erasmus+ YOUTH](#), SALTO YOUTH South East Europe Resource Centre.





OMLADINSKA ORGANIZACIJA "SVITAC"

Ul. Jusufa Čampare bb, 76100 Brčko Distrikt BiH

Tel./Fax: +387 49 211 032

E-mail: svitac@gmail.net

Web: www.svitac.org

FB: www.facebook.com/omladinska.svitac

Dnevne radionice



Omladinska organizacija Svitac je u decembru nastavila sa svakodnevnim aktivnostima. Učesnici su podijeljeni u dvije grupe, uzrast 4-7 godina svakim danom od 11:00-13:00, a uzrast 8+ od 14:00-15:30 časova. U toku mjeseca za uzrast 4-7 godina su se organizovale kreativne radionice, gdje su učesnici pravili irvase, kuglice, čestitke i dekorativne lance od ukrasnog papira. Takođe su naučili nove riječi iz engleskog vezane za školski pribor, članove porodice, te su radili radne listove na te teme. Naučili su i pjesmicu „Zvončići“ uz pratnju gitare i klavira. Jedan dan u sedmici je planiran za zajedničko gledanje crtanih filmova i takmičarske igre. Materijali koji su se koristili za realizaciju ovih radionica su ljepilo, karton, kolaž papir, blokovi za crtanje, voštane boje, flomasteri, drvene i vodene bojice. Cilj ovih aktivnosti kao i do sada je da djeca

razviju maštu i da koristeći razne materijale izraze svoju kreativnost, takođe da razviju motoriku i poštovanje prema drugom i usvoje lijepo ponašanje. Ovaj mjesec je do 20 učesnika pohađalo jutarnje dnevne radionice.

Poslepodnevna grupa prati raspored koji je svaki dan drugačiji, pokušavajući obuhvatiti što više različitih tema i aktivnosti. (uzrast 8+). Ponedjeljkom je na rasporedu kreativna radionica i kreativno izražavanje. Ovaj mjesec učesnici su svoju kreativnost izrazili kroz pravljenje raznih kreacija vezanih za Novu godinu, koristeći razne materijale. Utorkom su radionice engleskog jezika kada učesnici kroz vježbe komunikacije, te razne igre uče nove riječi i gramatiku. Teme koje su ovaj mjesec bile aktuelne su jesen, dijelovi aviona i praznici. Srijedom je turski jezik, a teme koje su se radile bile su vezane za jesen, zimu i praznike. Četvrtkom su kreativne radionice na kojima su učesnici nastavili da prave ukrase za Omladinski centar i na taj način predstavili svoje radove drugim učesnicima i posjetiocima. Petkom su na rasporedu radionice njemačkog jezika, gdje učesnici uz igru i timski rad imaju priliku da urade školsku zadaću, poboljšaju komunikaciju i vokabular te kroz igru nauče dodatne riječi vezane za životinje, godišnja doba, vremenske prilike ili da se kroz igru memorije na njemačkom i druženje zabave.



Radionice se održavaju u Omladinskom centru Brčko distrikta.

„Pričajmo njemački“ – radionice komunikacije na njemačkom jeziku sa izvornim govornicima

Radionice njemačkog jezika se održavaju dva puta sedmično u prostorijama Omladinskog centra Brčko distrikt. Zbog različitih nivoa poznavanja jezika i gramatike, učesnici su podijeljeni u dvije grupe, u grupu za početnike (utorkom od 18:00-19:00 časova za A1 nivo) i napredne (četvrtak od 17:30 -18:30 za A2, i 18:30-19:30 B1/B2). Radionice su namijenjene svima koji žele naučiti osnove gramatike, ali i usavršiti već postojeće znanje i steći nova iskustva i poznanstva. Grupe su ovaj mjesec radile na tekstovima prilagođenim njihovom poznavanju vokabulara i gramatike. Grupa A1 je radila vokabular za predstavljanje, akuzativ i modalne glagole. Grupa A2 je takođe radila vokabular za predstavljanje, nepravilne glagole, modalne glagole i fraze na temu „Tolerancija“. Grupe B1/B2 su radile kompleksnije tekstove, u kojima su se teme odnosile na ekonomiju, bankarstvo, plaćanje u gotovini ili bankovnom karticom, te tradicionalne Božićne običaje u Njemačkoj.

„I love English“ – radionice komunikacije na engleskom jeziku sa izvornim govornicima

Radionice engleskog jezika se održavaju svake srijede u prostorijama Omladinskog centra Brčko distrikt od 19:00-20:00 časova. Radionice komunikacije na engleskom jeziku su namijenjene svima koji žele naučiti osnove gramatike, upotrebu svakodnevnih fraza i drugih elemenata, ali i usavršiti već postojeće znanje i steći nova iskustva i poznanstva.

„Učimo Turski“ – radionice komunikacije na turskom jeziku sa izvornim govornicima

Radionice turskog jezika se održavaju srijedom u prostorijama Omladinskog centra Brčko distrikt od 18:00-19:00 časova. Radionice su namijenjene svima koji žele naučiti osnove gramatike, upotrebu svakodnevnih fraza i drugih elemenata, ali i usavršiti već postojeće znanje i steći nova iskustva i poznanstva. Učesnici su do sada imali priliku da usvoje alfabet turskog jezika, lične zamjenice, te fraze predstavljanja, da započnu jednostavne dijaloge i da usvoje vokabular na teme godišnja doba, boje, dani u sedmici, mjeseci, a od gramatičkih vremena radili su prezent tense.

Radionice gitare

Učesnici radionice gitare nastavili su sa redovnim aktivnostima uvježbavajući nove tehnike, etide, kompozicije i duete.

Radionice sambe

Učesnici ove radionice ponavljali su kompozicije iz prethodnih mjeseci ("Funk", "Drunken pirate", "Samba Reggae"), te radili na dvije nove kompozicije ("Sirens of Titan" i "Probo").

Tolerancija i kulturna raznolikost kroz muziku, umjetnost i sport 2017.

Projekat je finansirala Vlada Brčko Distrikta, a u okviru projekta održan je niz muzičkih, kreativnih i sportskih radionica koje su promovisale kultur

obrazovno učenje kako bi se ojačalo poštovanje prema zajednici kojoj pripadaju. Projekat je trajao od 27. novembra do 16. decembra 2017. godine i održan je na području Brčko Distrikta, u prostorijama Omladinskog centra. U projekat je direktno bilo uključeno 60 djece, tinejdžera i mladih sa područja Brčko distrikta.



Za vrijeme održavanja projekta snimljen je i kratak film koji možete pogledati ovdje:

<https://www.youtube.com/watch?v=l1DXlucbGuk&t=20s>

Novogodišnja zabava

Omladinska organizacija Svitac je projekat „Tolerancija i kulturna raznolikost kroz muziku, umjetnost i sport 2017“ zvanično zatvorila 16.12. eventom „Novogodišnja zabava“, koji se održao u prostorijama Omladinskog centra. Novogodišnja zabava je počela u 18:00 časova za uzrast 8+. Uz pomoć međunarodnih i lokalnih volontera, Omladinska organizacija Svitac je organizovala zanimljiv program za učesnike radionica, njihove prijatelje i roditelje. U prvom dijelu programa su predstavljene muzičke aktivnosti, klasične kompozicije na gitari i flauti, zatim mali hor i muzička pjevačka grupa, sa izvedbama na engleskom jeziku. U drugom dijelu zabave su održane dvije stanice gdje su učesnici imali priliku da učestvuju u raznim takmičarskim igrama, da naprave novogodišnju čestitku ili da ukrase drvo želja ručno napisanim željama. U velikom holu Omladinskog centra je postavljena izložba svih radova, koji su nastali u proteklim sedmicama projekta. U završnom dijelu zabave se održala tombola prilikom čega su podijeljene razne nagrade, te je upriličeno i osveženje. Novogodišnju zabavu je posjetilo više od 120 gostiju.



Za januar se planira nastavak svih redovnih radionica Omladinske organizacije Svitac.

**Međunarodni centar za djecu i omladinu FORTIS**

Ul. Suljo Čilić bb, 88420 Jablanica

Tel./fax: +387 63 334 993, +387 61 327 427

E-mail: centarfortis@yahoo.comWeb: www.centar-fortis.org

Međunarodni centar za djecu i omladinu „Fortis“ želi iskrene novogodišnje želje našim članovima, donatorima i svima koji neizbježno podržavaju rad nevladinih organizacija.



SAOPŠTENJA / INFORMACIJE / DONATORI / POZIVI

Hartefakt Fondacija

Hartefakt Fondacija doprinosi izgradnji demokratskog i odgovornog društva osnažujući civilni sektor i razvijajući filantropske prakse i kulturu davanja u našem društvu.

Mi podstičemo razvoj filantropije i kulture davanja kao važnih instrumenata za unapređivanje zajednice i društva u celini. Kroz razvoj inovativnih filantropskih praksi, poput programa Art Friendly, Hartefakt gradi poverenje u fondacije i promovise vrednosti individualnog davanja za opšte dobro.

Kroz program malih grantova, fondacija podržava razvoj kritičkog i nezavisnog mišljenja kao i promociju ljudskih prava, tolerancije, jednakosti, zaštite prava manjina, interkulturalnog dijaloga i regionalne saradnje. Mi podržavamo organizacije i inicijative sa teritorije Srbije, Bosne i Hercegovine i Kosova koje prepoznaju lokalne potrebe i donose pozitivne društvene i političke promene u svojoj sredini.

Više informacija: <http://www.heartefact.org/sta-radimo/fondacija/#kako-aplicirati>

Prevodi poziva za projekte Ambasade SAD

Ambasada SAD u BiH je objavila četiri poziva za projekte sa rokom prijave od 12. do 26. januara/siječnja 2018. godine. **Apliciranje je na engleskom jeziku.** Ovo su samo neslužbeni prevodi Mreže za izgradnju mira kako bi vam olakšali razumijevanje i pripremu aplikacije, a za više informacija kontaktirajte Ambasadu na kontakte koji se nalaze u tekstu.

Pozivi za projekte:

- [Program malih grantove Demokratske komisije](#)
- [Međuetničko pomirenje i omladinski program \(IERY\) za projekte omladinskih kampova](#)
- [Program malih grantova za osnaživanje žena](#)
- [Program malih grantova za mlade i međuetničko pomirenje](#)



Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30-ti u mjesecu.

Adrese za slanje vaših informacija za mjesečni bilten:
Omladinski resursni centar Tuzla
Hadži Bakirbega Tuzlića 1
75000 Tuzla
tel/fax: 035 258 077
e-mail: orcuzla@bih.net.ba
hcatuzla@bih.net.ba

Mjesečni bilten uređuje
Omladinski resursni centar -
ORC Tuzla

Prevod Biltena na engleski:
Stefan Cvijanović – prof.
engleskog jezika

WEB stranica Mreže:
www.omladina-bih.net

Mejling lista Mreže:
posta@omladina-bih.net

Webmaster:
emir.delalic@gmail.com